



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-1-40-071-2/21**

Datum: **25.02.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica I-CRNI d.o.o. Cazin, u postupku izdavanja prethodne vodne saglasnosti za ispuštanje tehnoloških otpadnih voda sa lokacije objekta samouslužne autopraonice, predviđenog za gradnju u naselju Čuprija, Grad Cazin, na osnovu člana 139. stav (1), a u vezi sa članom 110. stav (3) Zakona o vodama («Službene novine Federacije BiH», broj 70/06) i člana 123. stav (2) Zakona o upravnom postupku («Službene novine Federacije BiH», broj 2/98, 48/99), donosi:

ZAKLJUČAK

1. Odbacuje se zahtjev podnosiocu zahtjeva I-CRNI d.o.o. Cazin, za izdavanje prethodne vodne saglasnosti za ispuštanje tehnoloških otpadnih voda sa lokacije objekta samouslužne autopraonice, predviđenog za gradnju u naselju Čuprija, na zemljištu označenom kao k.č. broj: 840/2, K.O. Cazin Grad (novi katastarski operat), Grad Cazin, s obzirom da za predmetnu aktivnost, u skladu s odredbama člana 110. stav (3) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i drugo.

Obrazloženje

Podnosilac zahtjeva, I-CRNI d.o.o. Cazin, dana 17.02.2021. godine, je zatražio izdavanje prethodne vodne saglasnosti za ispuštanje tehnoloških otpadnih voda, predviđenog za gradnju na zemljištu označenom kao k.č. broj 840/2 K.O. Cazin-grad, u naselju Čuprija, Grad Cazin.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra, Matični broj subjekta upisa: 1-2738-00; izdan od strane Općinskog suda Bihaću dana 24.04.2020. godine,
- Ovjerena kopija Uvjerenja o poreznoj registraciji; izdano od strane Federalnog ministarstva finansija – Porezne uprave – Kantonalni porezni ured UNSKO-SANSKOG KANTONA, dana 07.12.2007. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza; izdano od strane Uprave za indirektno-neizravno oporezivanje Banjaluka pod brojem 04/1-17-56-1398-2/07, dana 18.02.2007. godine,
- Kopija naloga za plaćanje upravne pristojbe (80 KM) i 3 KM federalne administrativne takse,
- Kopija Punomoći zastupnika podnosioca zahtjeva
- Kopija Zemljišnoknjižnog izvatka, BROJ: 020-0-NAR-21-000 136, Zemljišnoknjižni uložak broj: 376; Katastarska općina: CAZIN GRAD; izdan od strane Zemljišnoknjižnog ureda Općinskog suda u Bihaću dana 20.01.2021. godine,
- Kopija Kopije katastarskog plana, Katastarska općina: Cazin Grad, Broj plana: 13; izdana od strane Službe za imovinsko-pravne, geodetske i katastarske poslove Grada Cazina, UR BROJ: 06-26-8044/2021-2, dana 08.01.2021. godine,
- Studija za pribavljanje prethodne vodne saglasnosti za poslovni objekat – samouslužna autopraonica sa samouslužnim aparatom za kafu; urađena od strane pravnog lica s ovlaštenjem Euroing d.o.o. Bihać pod brojem: SPVS 02-02/21, februara 2021. godine, u Bihaću,
 - Uslovi priključenja predmetnog objekta na javnu gradsku i kanalizacionu mrežu Grada Cazina, dati od strane upravitelja istih – JKP VODOVOD d.o.o. Cazin pod brojem: 05-19-16-03-30-295/21, dana 05.02.2021. godine.
- Izvod iz izmjena i dopuna urbanističkog plana Grada Cazina 2017-2027 („Sl. novine Grada Cazina br.: 1/19); izdan od strane Službe za urbanizam i zaštitu okoliša Grada Cazina pod brojem: 04-19-119/21, dana 22.01.2021. godine,
- Položajna skica za predmetni poslovni objekt samouslužne autopraonice, urađena od strane Službe za urbanizam i zaštitu okoliša Grada Cazina pod brojem: 04-19-119/21, dana 22.01.2021. godine.

Uvidom u dostavljenu projektnu i ostalu dokumentaciju, utvrđeno je sljedeće:

- Predmetni objekt samouslužne autopraonice je predviđen za gradnju u naselju Čuprija, Grad Cazin,

- Uz zahtjev je priložena Studija za izdavanje PVS, kojom je predviđeno slijedeće:
 - Predmetni objekt je zamišljen sa četiri natkrivena i jednim nenatkrivenim boksom za pranje vozila, kontejnerom sa upravljačkom jedinicom i kontejnera sa boksom samouslužnog aparata za kafu, gabarita 23,8x6,8 + 2x2 metara, visine 3,65 metara,
 - Predviđen je princip visokotlačnog sistema uređaja za pranje vozila koji se sastoji od: agregat, uređaj za pripremu vode, - uređaj za naplatu, sistem za sprečavanje smrzavanja vode, strojnica, upravljačka jedinica daljinskog nadzora, samouslužni usisivač,
 - Snabdijevanje vodom u tehnološke svrhe, u količini od 1,7 l/s je predviđeno sa javnog vodovodnog sistema Grada Cazina,
 - Za predmetnu aktivnost su pribavljenu uslovi za priključenje na javnu gradsku vodovodnu i kanizacionu mrežu, dati od strane upravitelja – JKP Vodovod d.o.o. Cazin,
 - Prema navedenim Uvjetima, predmetna gradnja objekta samouslužne autopraonice ne ugrožava postojeći sistem instalacija vodovoda i kanalizacije i istim su dati uvjeti priključenja na vodovodni i kanizacioni sistem Grada Cazina,
 - Otpadne vode koje nastaju u procesu pranja vozila ($Q=12,5$ l/s), kao i onečišćene oborinske vode sa internih manipulativnih površina ($Q=15,24$ l/s) se planiraju prikupljati i prečišćavati u separatoru ulja i masti (NG 30 l/s), a nakon tretmana da se ispuštaju u postojeći kolektor gradske kanizacione mreže,
 - Za priključenje objekta samouslužne autopraonice na javnu kanizacionu mrežu postoji tehničko rješenje, kako je dato Uslovima o priključenju,
 - Priključenje će se izvršiti na kolektor DN 800, priključnim profilom min. DN 150.
 - Tehnološke otpadne vode se moraju prečistiti prije ispuštanja u javnu kanalizaciju minimalno na nivou primarnog prečišćavanja, a kako je definirano Uredbom o uslovima ispuštanja otpadnih voda u okoliš i sisteme javne kanalizacije, a iste propisuje operater kanizacionog sistema.

Na prostoru objekta samouslužne autopraonice će nastajati tehnološke otpadne vode u procesu pranja vozila te onečišćene oborinske vode na prostoru manipulativnih površina, a čiji je krajnji recipijent javni gradski kanizacioni sistem.

Nadalje je utvrđeno da nastali otpad na predmetnom prostoru ne uzrokuje bilo kakvo onečišćenje vanjskih manipulativnih površina jer se isti skuplja u kontejner i koristi kao sekundarna sirovina, odnosno zbrinjava od strane komunalnog preduzeća, odnosno ovlašćenih pravnih lica.

Nadalje, članom 110. Zakona o vodama je definirano da za gradnju objekata koji se snabdijevaju vodom priključkom na javni vodovodni sistem, a ispuštanje otpadnih voda vrše u javni kanizacioni sistem, ne podliježe obavezi ishodovanja vodni akti. Podnosilac zahtjeva je pribavio saglasnost operatora javnog gradskog kanizacionog sistema za ispuštanje tehnoloških otpadnih voda u kolektor javnog gradskog kanizacionog sistema.

Iz razloga naprijed navedenih, postupajući prema odredbama člana 218. stav (2) Zakona o upravnom postupku, člana 110. stav (3) Zakona o vodama, riješeno je kao u dispozitivu ovoga zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl.ing.arh.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- I - CRNI d.o.o. Cazin, Lojička bb, 77 220 Cazin,
- AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava